

سنة لکی در سعادت ایچون مجیدیه
یکرمی غروش حسابیه التیش
غروشدر

طشیره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانیک محاکمات

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

محاکمات فکریات

نابلس سنجایی بدایت محکمه سی مدعی عمومی
معاون اسبقی بهاء الدین افندینک اوراق انفصالیه
ومدافعه نامه سی انجمن انتخاب مأمورین عدلیه جه
لدى التدقیق جواز استخدامنه قرار ویرلمشدر .

۸۸ نومرولی نسخه ده مندرج جنایت
محکمه سی اعلامنک مابعدی :

بوستانجیده باغچوان حسن اغانک زوجه سی اون
یدی یاشنده زعفرانبولیل شریفه بنت احمد دخی
متهم ابراهیم ایله لمعان خانمک بیوک پدری خیری بکی
طانیذیغنی واحسان بکی خانه سنه کتدیکی زمان
کوردیکی سویلکله مزبورده شریفه نك احسان بکی
طانیوب طانیذیغنی حقنده کی اشتباهک رفعی ایچون
مزبورده طیشاری چیقارلدقندن صکره مدعی شخصی
احسان بکک یانه ایکی ضابط افندی اوطوردیلهرق
وسترهلری تبدیل ایتدیریلهرک شاهده شریفه تکرار
حضور محکمه به جلب ایله احسان بک ایله یاننده
بولنان افندیلردن قعیسنک احسان بک اولدیغنی
صورلدقده (بوافندی به بکزه بور) دیو احسان بکی ارانه
ایتمی اوزرینه مزبورده شریفه استماع ایدلدکده
بوستانجیدن عزبلر محله سنه کله رک قربان بیرامنک
اوچنجی کونی ترشیچی حاجی حسن افندینک خانه سنه
کتدیکنده لمعان خانمک متهم ابراهیمک زقاغه چیقمق
اوزره حاضر لنمش اولدقلرینی کورمسيله نره به
کیده جکلرینی صورددقه لمعان خانمک بشکطاشه
والده سنه کیده جکلرینی سویلدیکی لمعان خانم
طرفندن واقع اولان تکلیف ورجا اوزرینه کندوسی
دخی برلکده اولهرق احسان بکک خانه سنه کیدوب
قبوی چالقلرنده لمعان خانمک قرنداشی قبوی
آچهرق کندوسيله لمعان خانمکی ویانلرنده بولنان
متهمک همشیره سی فاطمه بی کورمکه قبوی ایتهرک
یوقاری چیقدیغنی و صکره لمعان خانمک پدری احسان
بک کلوب لمعان خانمکی «اوغور سر قد مسز ایاقلرینی قیرارم»

دیوتکدیر ایتدیکنی وبونک اوزرینه لمعان خانم بیوک
پدری خیری بکک بوینه صاریلهرق اغلادیغنی واورادن
خیری بکک خانه سنه کتدکلرینی ولمعان خانمک تیره سی
لمعان خانمک پدرینی باریشدرمق اوزره احسان بکک
خانه سنه کیدوب کلدکدن صکره لمعان خانمک برلکده
تکرار باریشمق اوزره احسان بکک خانه سنه کیدرلر
ایکن لمعان خانمک « والدم ترسدر دوکر سنه
برلکده کل » دیو اشارت ایتسيله کندوسیده کتمک
ایستدکده لمعان خانمک تیره سی کندوسنک برلکده
بولنسنه موافقت ایتدیکندن کندوسی خیری بکک
خانه سنه قالدیغنی وخیری بکک خانه سنه متهم ابراهیم
پدری حسن افندی ایله برلکده کله رک حسن افندینک
کندوسی اون قپاننده کی خانه سنه کوندردیکی وبرکون
صکره اقشام یمک ائناسنده احسان بکک لمعان خانمک
قارشو ایتدیکی معاملهی حسن افندی به سویلدیکنده
حسن افندینک « کلین قورقشدر کیدیم نشاسته
ایچوره یم » دیوب کتدیکنی وفرداسی لمعان خانم
اون قپانه عودت ایدرک پدریک کندوسيله
باریشمدیغنی ویوزینه باقدیغنی وکوپکه آتار کی
کندوسنه اون مجیدی ایدیغنی ووالده سی چاشورینی
چیقاروب بوینه نسخه آصدیغنی سویلدکدن صکره
(اه بویه یشانه جق ایسه هیچ یشاتماسک) دیدیکی
بیان ولدی السؤال حاجی حسن افندی برکیجه
خیری بکک خانه سنه قالدیغنی اتیان ایلدی .

نشان طاشنده طاش اوجاغنده مقیم بقال قرق
یدی یاشنده حاجی علی اغا بن رفعت دخی مع القسم استماع
ایدلدکده لمعان خانمک متهمک جمعیتلری اجرا اولغزندن
مقدم متهم ابراهیم برقاچ دفعه دکانه کله رک توتون واتمک
واوزوم الیغنی و عرفان خانمک اقرباسندن اولدیغنی
سویلدیکی و عرفان خانمک کریمه سيله برکرده دکانی
اوکندن کچدیکنی و صکره عرفان خانمک خانه سنه
اتمک واوزوم کوتوردیکنده لمعان خانمک حافظ
ابراهیمک خانه لرینه کلدکلرینی عرفان خانمکدن
ایشتمسيله لمعان خانمک ابراهیمی خانه لرندن چیقارملرینی
اخطار ایتدیکنی افاده ایلدی .

اظهار حقه مدار اولمق اوزره جانب ریاستندن

جلی تسیب ایدیلان ودعوت واقعه به منی ورود
ایتمش اولان اون قپاننده مقیم مروت واپورنده
قبودان اوتوز ایکی یاشنده استانه لی نظمی افندی بن
ابراهیم دخی حضور محکمه به چیقاریلوب لدی السؤال
طرفینه قرابت ومناسبت وخصومتی اولدیغنی
اکلاشلدقندن وکندوسنه اخطارات لازمه ایفا
قلندقندن صکره استماع ایدلدکده وقعه دن ایکی سنه
مقدم ترشیچی دکانی اوکنده بولنان متهم ابراهیم
ایچون سرخوشدر دیدکلرینی وکندوسی کیدوب
مرقومک اغزینی قوقلامدیغنی افاده ایلدی .

نظمی افندینک افاده سنه نه دیه جکی متهمسندن
صورلدقده برادری عشرت ایدر ایسه ده کندوسی
هیچ برزمان عشرت ایتدیکنی سویلدی .

کچن محاکمه ده کلاملردن ناشی جزای تقدی ایله
محکوم بولنان شاهدلردن الماس خانم وافتیمک معذرتلرینه
منی کله مدکلری اکلاشلدیغندن معاون مومی الیهک
طلیلله مرقومانک محکوم اولدقلری جزای تقدیدن
عقولرینه و عند الاستفسار مدافعه وکیللردن حسن بک
مقدم اقامه ایتدکلری مدافعه شاهدلردن فردانه خانمک
بولیس چاوشی حسن افندینک جلب واستماعی
طلبندن فراغت ایتدکلرینی بیان ومعاون مومی الیه دخی
کندی شاهدلردن فراغت ایتکده اولدقلردن بر
دیجکی اولدیغنی اتیان ایتلریله لدی المذاکره قوانین
عمومیه ایجابجه طرفین اقامه ایده جکلری شاهدلردن
صرف نظر ایتمک حتمی حائر اولدقلرینه متفقاً قرار
ویریلهرک اکلا دلدی .

جانب ریاستندن واقع اولان استیضاح اوزرینه
مدعی شخصی احسان بک، اقامه ایلدیکی شاهدلردن
خیری بکک ملازم صدق افندی کبی شهادتده
بولنه جغنی یوز باشی توفیق افندینک وقعه عقبنده
خارجده کیفیتی محاکمه ده کی افاده سنه مغایر صورته
حکایه ایتدیکنی اخبار ایده جکی وبنابرین خیری بکک
جلب واستماعی لازم کله جکی بیان ومعاون مومی الیه
دخی خیری بکک جلب وعدم جلی محکمه جه بیلنه
جک برشی ایدوکنی اتیان ایتلریله لدی المذاکره خیری
بکک شهادت ایده جکی مسئله برشاهدک خارجده

سویلدیکی بر سوزدن عبارت اولوب ایشه تأثیری کورلمدیکندن و ذاتاً مافوقی طرفدن کوندولمیکندن خیری بکک جلبه لزوم اولدیغنه اکثریتله قرار ویرلهرک اکلادلی .

علی هذا مدعی شخصی احسان بک طرفدن ویریلوب اوراق میانده بولان ۱۷ حزیان سنه ۳۱۸ تاریخلی استدعا نامه نك قرائتی میر مومی الیه طلب ایتکه مذکور استدعا نامه اوقوتدرلدی . مالی متهم ابراهیمک اجرا قلمقده اولان محاکمه سنده حقیقتک تعینه مداری اوله جق معلوماتی اولدقلری استخبار ایدیلان اناطولی حصارنده پولیس چاوشی اسماعیل ونشان طاشنده نو شهر قائم مقامی مرحوم عثمان شوقی افندی نك خانه سنده مقیم صفر افندی لک علی الاصول جلبلریله مع الیمین استماع ایدملری خصوصاً اولیور . مذکور استدعا نامه نك حزیانک اون یدنجی کونی ساعت سکزده محکمه یه اعطا اولدینی اکلانمغله و متهم ابراهیم مذکور استدعا نامه نك صورتی حزیانک اون یدنجی کونی ساعت اون برده کندوسنه تبلیغ ایدلدیکی و شمعی آیک اون سکزی وساعت الی ایدوکندن و مدافعه وکیللرندن حسنی بک دخی مذکور استدعا نامه نك وقت محاکمه دن یکریمی درت ساعت مقدم ویرلدیکی اکلانمغله ردی لازم کله جکینی و معاون مومی الیه مذکور استدعا نامه کندو لرینه مدتی ظرفده تبلیغ اولنماش ایسه ده امشالی وجهله جلب واستماعلری محکمه نك رأی وقرارینه مفوض ایدوکنی و مدعی شخصی احسان بک دخی بوشاهدلردن پولیس چاوشی اسماعیل افندی متهمک سوابق احوالی و صفر افندی یوز باشی توفیق افندی نك خارجده وقوع بولان بعض افادات واقوالتی اخبار ایده جکلرینی اتیان ایتلریله لدی المذاکره قانوناً شاهد اقامه سنه دائر پوصله نك شاهدلرک استماعندن یکریمی درت ساعت اول ویرلمسی لازم کلدیکی حالده شاهد اسماعیل و صفر افندی لک جلب واستماعلری طابنی متضمن اولان عرضحال محکمه یه حزیانک اون یدنجی کونی ساعت سکزده ویرلمش یعنی استماعندن یکریمی درت ساعت مقدم اعطا قلمماش و متهمده ساعت اون برده تبلیغ ایدلمش و بوکونده مع القسم استماعی لازم کلان شاهدلر ختامه رسیده اولمش ایدوکی جهتلر ایله اسماعیل و صفر افندی لک مع الیمین استماعلریله دائر مذکور استدعا نامه مندرج طلبک ردینه اکثریت والت قبل اولان روولورک معاینه و تدقیقی ایچون طلب اولنسان راپور ورود ایتدیکندن بوبابده مرجع عالیسنه تأکیداً تذکره یازلمسنه و محاکمه نك یوم آخره تعلیقنه اتفاق آرا ایله قرار ویرلدیکی و جانب ریاستدن پولیس چاوشی اسماعیل

افندی نك برای اظهار حق جلبی تنسیب اولدینی تفهیم ایدلمکه مدعی شخصی، میرالای خیری بکک لمعان خاتمه کندوسنک بارشدقلرینی خبر ویره جکینه مبنی بردها جلبنامه تسطیر ایدلدیکی صورتده مافوقی طرفندن کوندولریله جکندن و جلبلری لازم کلدیکی قرارگیر اولان شاهدلرک یمین ایله استماعندن فارغ اولدینی کی خیری بکک، توفیق افندی نك خارجده کی سوزی ایچون استماع ایتدیرلمه سندن دخی فراغت ایتدیکندن یالکز بارشمنق مسئله سنک تحقیقی ایچون اظهار حقه مدار اولمق اوزره جلبی استدعا ایتسی اجلدن جانب ریاستدن خیری بکک دخی او جهتدن کذلک اظهار حقه مدار اولمق اوزره جلبی تنسیب ایدلدیکی طرفینه اکلادلی .

تموزک التنجی جمعه ایرتسی کونی متهم حافظ ابراهیم توقیفخانه دن کتوردیلرک وکیللری حسنی بک و شابوح افندی واستیناف مدعی عمومیلکی باش معاونی حیدر بک افندی و مدعی شخصی احسان و وکیل سینی بکلر حاضر اولدقلری حالده محاکمه علیه دوام ایدلی .

واقع اولان استیضاح اوزرینه متهم حافظ ابراهیم پدر ووالده سندن ایریلهرق لمعان خانم ایله برلکده یاوران حضرت شهریاریدن حسن پاشا حضرتلرینک خاصکی ترلاسنده کائن قوناقلرنده اقامت ایتمکده لر ایکن پدیرینک اخطارینه بناءً وقعه دن یکریمی یکریمی بش کون مقدم اون قباننده کی خانه لرینه نقل ایتدکلرینی و بو ایری اوتورمق خصوصنک والدینی و همشیره لری ایله عدم امتزاجدن منبعث اولدینی و لمعان خانم ایله ترده وضع حمل ایده جکینه دائرینلرنده برسوزسبقت ایتدیکینی و وقعه کیجه سی موقع جرم اولان اوطه ده لامبه یانمقده اولدینی سرد ایتدی .

جانب ریاستدن اظهار حقه مدار اولمق اوزره جلبلری تنسیب اولنسان و دعوت واقعه یه اتباعاً ورود ایتدکلری خبر ویریلان نشان طاشنده متوفی قائم مقام عثمان شوقی بکک خانه سنده مقیم اون طقوز یاشنده اربعه لی صفر افندی بن عزیز و اناطولی حصاری موقعده مستخدم پولیس چاوشی یکریمی الی یاشنده کره سونلی اسماعیل افندی بن حاجی محمد و اون قبان جوارنده حاجی قادین محله سنده مقیم جامع شریف امامی و صبیان مکتبی معلمی الی یاشنده استانه لی حافظ عارف افندی بن عبیدی برر برر حضور محکمه یه چیقاریلهرق لدی السؤال طرفینه قرابت و مناسبت و خصوصتلی اولدینی اکلانمغله و کندولریله اخطارات لازمه ایفا قلممسيله منفرداً استماع اولندقلرنده بونلردن صفر افندی، لمعان خانم وقعه سنی استخبار ایدرک میرالای خیری بک و ملازم صدق افندی ایله

موقع جرمه کیتمکده لر ایکن یولده کندولریله تصادف ایدن یوزباشی توفیق افندی خیری بکک خطاباً: «خفیده - کزک وقعه سی اوزرینه بن یتشدم قائم والده سنک قوجاغنده ایدی باشیله قپو طرفی اوچ دفعه اشارت ایتدی الی یارده سی اوزرینه قویدی بن اغزینه پورتقال ویردم.» دیدیکینی و لمعان خانمک والده سی لمعان خانم ایچون فریاد ایدرکن «باغرحق وار» سوزنی دخی سویلدیکی و صکره برکون ایوبدن واپورایله استانبوله کلمکده ایکن واپور دروننده لمعان خانم مسئله سندن بحث ایتکده اولان طانیدینی قادینلردن بریسی لمعان خانمک کورمجه سیله ایو کچمدیکینی و وضع حمل ایچون لمعان خانم پدیرینک خانه سنه الدیره جکلرینی ایشتمش اولان زوجی ابراهیمک لمعان خانم: «سنی اورایه کوندرمام سن کیدرسک بنی ایجری المزلر.» دیمکله بینلرنده منازعه ظهور ایدرک متهم ابراهیمک روولورینی شهر و انداخت ایتسيله (جان قورتاران یوقی؟) دیو فریاد ایدلمش و منازعه یی قومشو - لرک دخی ایشتمش و ابراهیمک قاچش اولدینی سویلدیکی بیان ولدی الاستیضاح اوقادینلرک کیم اولدقلرینی بیلمدیکینی و قادینلرک برقسیمی یش اسکله سنه وقسم دیکریده کورپی یه چیقدقلرینی و واپورده کندوسنه یقین برده اسمعی بیلمدیکینی قانون مأموری بولدینی و لمعان خانمک پدیرینک خانه سنه کلوب کیتدیکینی و پدیریه بارشدینی و قونوشدینی و قومشو اولمق ملابسيله اکلادینی اتیان ایدلی .

صفر افندی نك افاده سنه نه دیه جکی متهمدن صورلدقده بوصفر افندی میرالای خیری بکک خدمتکاری اولدیغندن افاده سنی قبول ایتیه جکینی سویلدی .

اسماعیل افندی اوچیوز اون بش سنه سی ظرفده متهمک پدیری حاجی حسن افندی بی اسکدار متصرفلی دائرده سنده کوره نك نه ایچون کلدیکینی صورددقه مرقومک «بزم حافظی برجرح مسئله سندن طولانی بورایه کتورمشلر» دیمش ایسه ده حافظدن مقصدی حاضر بولان متهممیدر یوقسه برادریمیدر بوراسنی بیلمدیکینی بیان ایتدی .

اسماعیل افندی نك افاده سنه نه دیه جکی متهمدن صورلدقده قیون مسئله سندن طولانی منازعه ایدرک اسکدار متصرفلی دائرده سنه کتدیکینی و بالاخره منع محاکمه سنه قرار ویرلدیکی سویلدی .

حافظ عارف افندی دخی متهم ابراهیمک عیش و عشرتله مألوف اولدینی بیلمدیکینی و انجق اون سنه مقدم اون قبان جوارنده بر آدمک قیونلرینی کسدیکینی ایشتدیکینی افاده ایدلی .

عندالسؤال متهم ابراهیم قیون کسمک مسئله سنک اصلی اولیوب قیونلردن طولانی چراقلریننده منازعه ظهور ایتسيله کندوسنی دخی دائره حکومته جلب ایتدکلرینی بیان ایدلی .

مدعی شخصی وکیلی سیفی بك متهم ابراهيم کرد حسن اسمنده برنی صول مہمی التندن جرح ایتسندن طولای دخی اسکدار استنطاق دائرہ سنجہ تحت استنطاقہ الہرق منع محاکمہ سنہ قرار ویرلش اولدیغی درمیان ایتسی اوزرینہ لدی السؤل متهم ابراهيم کندوسی اسکدار استنطاق دائرہ سنہ جلب ایدیلہ رک مجروحہ ارأه ایدلدکده مجروح اولان شخص جارحک صاری بیقلی بریسی اولدیغی سوبلدیکی بیان وسامعین میانده بولان متهمک پدری حاجی حسن افندیدن استیضاح کیفیت ایدلدکده کلخنک بأجاسی اشتعال ایتش اولسندن طولای اوغلی ابراهيمدن طلب اولان جزای تقدی بی ویرمک اوزرہ اسکدار متصرفلی دائرہ سنہ کتدیکنی وچوبان چشمه سنده جرح ایدیلان برچوباندن طولای اوغلی ابراهيم مأمورین ضابطہ طرفندن دردست ایدلش ایسده بالاخرہ جارحک بشقہ برشخص اولدیغی اکلاشیلہرق سیلی تخلیه ایدلدیکی اتیان ایلدی.

اظهار حقہ مدار اولمق اوزرہ جلبلری تنسیب اولان ذواتدن بعضیلری کلامش واهل خبرہ دن طلب اولان راپور دخی ورود ایتماش اولدیغندن معاون مومی الیهک طلبیلہ تأکید کیفیت اولمق اوزرہ محاکمہ نک تموزک اون سکرنجی پنجشنبه کونہ تعلیقہ متفقاً قرار ویرلہ رک بالتفہیم تموزک اون سکرنجی پنجشنبه کونی متهم حافظ ابراهيم توقیفخانہ دن کتوردیلہ رک وکیللری حسنی بك وشابوح افندی واستیناف مدعی عمومیلکی باش معاونی حیدر بك افندی ومدعی شخصی احسان و وکیلی سیفی بکلر حاضر اولدقلری حالده محاکمہ علنیہ یہ دوام ایلدی.

جانب ریاستدن واقع اولان استیضاحہ مبنی متهم ابراهيم روولوری ارن کویندہ آتمزدن نہ قدر مقدم طولیدریغی بیلیموب اتدقہ روولورینی طولیدر مقدمه ایدوکنی درمیان ایتدی.

اظهار حقہ مدار اولمق اوزرہ جانب ریاستدن جلب واستماعلری تنسیب اولنوب دعوت واقعہ یہ اتباعاً ورود ایتدکلری خبر ویریلان چرچردہ مقیم بحریہ چرخجی بیکباشیلردن استانه لی الی ایکی یاشنده عبادہ بك بن حمدی وفاتحمدہ مقیم آرابہ جی زشتوبلی قرق یاشنده علی بن محمود بربرر حضور محکمہ یہ چقاریلہرق لدی السؤل طرفینہ قرابت ومناسبت وخصوصتلی اولدیغی اکلا شیلدقدن وکندولرینہ اخطارات لازمه ایفاقلندقدن صکرہ منفرداً استماع اولندقلرنده بولردن عبادہ بك ، بیکباشی حسن بك اسمنده برذات کندوسنہ مراجعتلہ « ترشیجینک اولکی وارد سن انلرک حقندہ شہادہ کیدہ جک ایشمسک کتمہ » دیسیلہ کندوسیدہ « بن نہ بیلور ایسہم اہ ایچون انی سویلہ جکم نہ ترشیجی بی

ونده لمعان خانمی طانیرم » جوابی ویردیکی صرہده حاضر بولان ترشیجینک دیگر اوغلی کندوسنہ خطاباً « بایام بشیوزلیرا ویردی بشیوزلیرا دها ویرر قورتارر سنک شہادتندن برشی حاصل اولمز » دیدیکی وقول اغاسی زیور افندی اسمنده بریسی دخی علینہ اقامہ دعوی ایدہ جکندن بخلہ کندوسنی تہدیدہ چالشدیغی افادہ ایلدی.

عبادہ بکک افادہ سنہ نہ دیہ جکی متهمدن صورلدقدہ عبادہ بکک تہدید ایدلدیکنک اصلی اولدیغی سویلدی. آرابہ جی علی دخی بك اوغلندن سراچخانہ باشنہ کوتورمک اوزرہ آرابہ سنہ برمشتری الہرق اون قیانی دکرمانی اوکندن حین مرورندہ دکرمانہ قارشو بولان زقاقک ایچندن آجی آجی « جان قورتاران یوقی؟ » دیو برقادین صداسی وایکی اوچ دقیقه صکرہده سلاح سسی ایشتدیکنی ومذکور زقاقده کورلتی چوغالیدی صرہده مشترینک اخطاری اوزرینہ آرابہ سنی سوروب کیتدیکنی ایراد و آرابہ سنده کی مشتری طانیدیغی صقاللی بر افندی ایدوکنی ومشترینی سراچخانہ باشندہ درت یول اغرنده آرابہ دن ایندیردیکنی وقادین صداسنی ساعت اوچ درت رادہ لرنده ایشتدیکنی ویوللر تعمیر ایدلش اولدیغی جہتلہ آرابہ کورلتیسی اولما مقده بولندیغی وفریادایدن قادیتک کیمک خانہ سنده اولدیغی بیلمدیکی وقادین سسی ایشتدیکی زقاقده ترشیجی دکانی واجزخانہ کوردیکی وبویولده قادین سسی ایشتدیکنی ابتدا آرابہ جیلرہ سویلدیکی یاد ایلدی. آرابہ جی علینک افادہ سنہ نہ دیہ جکی متهمدن صورلدقدہ قبول ایتیمہ جکی سویلدی.

اظهار حقہ مدار اولمق اوزرہ جلبلری تنسیب اولنلاردن میرالای خیری وقائم مقام ضیا بکلر کلامش اولدقلردن ریاستجہ انلرک جلب واستماعلردن فراغت ایدلدیکی اکلا دلدی.

بنابرین الت قتل اولان روولورک معاینہ سنہ دائر طوپخانہ عامرہ مشیریت جلیلہ سندن النان تذکرہ جوابیہ ایلہ متهمک سابقہ قیدی او قوتدیرلدی. تذکرہ مبحوث عنہا قتیلاً وفات ایدن لمعان خانمک الت قتل اولان روولور نظر معاینہ دن بعدالامرار تدقیق کیفیتہ ابستدار اولندقدہ برقادینک یاشنده روولور اتمق وروولورک نصل استعمال ایدیلہ جکی کورمک ایلہ اوقادینک، روولور تشکی چکیلہ رک آتش ایدیلہ جکی اوکرنسہ واعتدال دم صاحبہ سی اولدیغی حالده روولوری الینہ الوب تشکی چکرک هوا یہ قورشون آتمسہ کافی ومکتبہ تحصیل کورمش اولمسیدہ روولورک صورت استعمالی بیلمسہ دکل انجق روولورک صورت استعمالی حین تعریفده سرعت تفہمہ مدار اولہ بیلور ایسده روولور ایلہ قارشودہ

بولان برہدفہ قورشون اتہرق اصابت ایتدیرلمسی مطلقا روولور ایلہ برمدت انداخت تعلیمی یامغہ متوقف بولندیغی وقورشونی صول مہسنک التنہ اصابت ایتدیرہ رک اتحارایلمسی مسئلہ سنہ کلنجہ اعضای سائرہ یہ نسبتلہ اورلمسی مشکل اولان صول مہسنک الت طرفی انتخاب ایلمسی اعضای سائرہ یہ ترجیحاً او محمدن کندینی اورمغی مقدا قصد ونیت ایتش بولمغہ برابر روولورک صورت استعمالنہ مخالف اولہرق صول ال ایلہ روولور نامولوسی وصاغ ال ایلہ قبضہ سنی طوتوب تشکی صاغ الک شہادت پارمغی یرینہ باش پارمغیلہ چکمک وبردہ باش پارمق ایلہ قبضہ نک کیریسندہ کی امنیت تنکنہ باصمغہ وبووضعیتدہ روولوری طومتی بوش ایکن مقدا دفعاتلہ تجربہ ایتمک وزیادہ سیلہ اعتدال دم صاحبہ سی اولدیغی حالده الندہ قوت بولمسہ وابستہ اولوب روولورک شمدیکی حالی بووضعیتدہ تتک چکمک مساعد دکل ایسده شو مساعده سز لکک مرور زمان ایلہ روولورک پا صلا تمش اولسندن منبعث اولہ بیلہ جکیدہ وارد خاطر بولندیغی طوپخانہ عامرہ مجلس تجربہ ومعاینہ دائرہ سندن افادہ ایدلدیکی مبین وسابقہ قیدیدہ حافظ ابراهيمک چوبان کردعلی بی صدرینک سکرنجی ضلعی اوزرندن یقین برمسافہ دن برالت ناریہ ایلہ جرح ایتدیکنہ دائر اولان دعوی حقندہ دلائل قانونیہ نک فقدانہ مبنی ۲۷ اغستوس سنہ ۳۱۷ تاریخندہ منع محاکمہ قراری اعطاقلندیغی متضمندر. تذکرہ وقیدمندرجاتنہ قارشو نہ دیہ جکی متهمدن صورلدقدہ کردعلینک جرحندن طولای دائرہ عدلیہ یہ جلب ایدلدیکی تذکار وتذکرہ حقندہ علی وجہ التکرار وقوع بولان سؤلہ قارشو سکوتی اختیار ایلدی. (مابعدی کلہ جک نسخہ یہ)

بیانقو کتسیدہ ایلدکلری تحقق ایدن قوچو و دیمتریدن بر لیرا جزای نقدی آلمسہ پولیس مأموری رجب افندیہ اجرای وظیفہ حالده حقارت ایدن طومہ ولد اسپرونک یکرمی کون حبسنہ

طودوری بی ضرب وجرح ایدن محمد بن ابراهيمک یکرمی کون حبسنہ

بقال یورکی ولد واسیلہ مغل ناموس سوز سویلدیکی ادعا قلنان مارقودن یارم آلتون جزای نقدی آلمسہ

زوجه سی آتہ بی ضرب ایدن استیلیودن بر آلتون آلتہرق مزبورہ یہ اعطاسنہ

طراحی چراغی حسینی ضرب وجرح ایدن طراحی محمدک ایکی آی حبسنہ وبشیوز غروش اجرت جراحیہ نک بالتحصیل مدعی یہ اعطاسنہ

مضاربہ استدکری ثابت اولان داود پاشالی
استفونک زوجہ سی ماریقہ ایله آرتینک برر هفته
حبسلرینه
تیمور قبولی امینہ قادیی ضرب ایدن پرقادن بر
آتون آلهرق مضروبہ یه ویرلمسہ
غلطہده قفسجی زقاغندہ ساکن پاندہ لی ولد
واسیلک خلاف تنیہ لو تار یه جیلکی ایلدیکی ثابت اولدیغندن
مرقومدن بش بشلک جزای تقدی آلمسہ
غلطہ مرکزنده مستخدم پولیس احمد حدی افندی بی
اجرای مأموریت حالندہ ضرب وجرح ایدن لالہ لی
چشمہ لی خرستو ولد یورکینک برسنہ حبسنہ
سینم کویلی قناتلو خرستوی ضرب وجرح ایدن
پولیس قومیسری عمر افندی ایله پولیس مصطفی
افندیکن اوزر کون حبسلرینه
کدیکیکی ضرب وجرح ایلدکری ثابت اولان
نشان طاشندہ ساکن آرابہ دوشمه جیسی احمد ایله
ارتین ولد سراپک اوزر کون حبسلرینه
تقسیمده ساکن اراقلی ایله اندونک محله ارہ سندہ
سلاح انداخت ایلدکری ثابت اولدیغندن ایکیشر
کون حبسلرینه

خلیلی ضرب وجرح ایدن قاسم پاشادہ ساکن
حال فائقدن برلیرا آلهرق خلیله اعطاسہ
دوقور لوئیچینک ساعتی سرقت ایلدکری تحقق
ایدن بخور ایله آرونک بشر آی حبسلرینه وختام
مدتلرنده ضابطہ جه کفالت آلتہ آلمسہ
علکسی ولد قسطنطینک صابونلری سرقت ایدن
صاوانک درت آی حبسنہ وختام مدتنده ضابطہ جه
کفالت آلتہ آلمسہ
ابرائی خورشیدک اشیا واقچہ سنی سرقت ایلدیکی
اکلاشیلان بروسلی خورشید بن احمدک بش آی حبسنہ
وضابطہ جه کفالتہ ربطنه درسعات وبلک اوغلی بدایت
محکمہ لری جزا دائرہ لرنبه قرار ویرلمشدر .

اعلانات

تجارت بحیرہ محکمہ سندہ :

مقدمہ محمود پاشادہ کورکچی خاندنہ بولنان مغازہ سندہ
مانیفاطورہ و تحفیہ تجارتیلہ اشتغال ایتش اولان
قرہ قاش ابراہیم افندیکن اعلان افلاسہ و مصالح
افلاسہ نک رؤیت و تسویہ سی ضمانتہ اعضا ملازمی
عزتلو اسماعیل بک ژوژ قومیسر ودعوی وکیللرندن
عثمان طلعت بکک موقت سندیک تعینلرینه و اموال تجارتیہ
واشیای زائدہ بیتہ سنک تمہیرینہ و اوراق و دفاترینک
جانبہ و کفالت ارا ایدم مدیکی تقدیرده حبس و توقیفنه

ومبدأ افلاسک ماسہ جه وقوع بولہ جق تدقیقاتہ کورہ
تعیننہ و بوبادہ کی قرارک موقہ اجراسنہ محکمہ تجارت
بحیرہ جه قرار ویرلمش اولدیغندن قانوننامہ تجارتک
۱۷۰ نجی مادہ سی موجبنجه دائمی سندیکلر انتخاب
اولتمق اوزرہ شہر حالک یکر منجی صالی کونی ساعت
یدی رادہ لرندہ اصحاب مطلوبک محکمہ مذکورہ نک
افلاس اوطہ سنہ کلری اعلان اولنور .

بک اوغلندہ طوغری یولده ساکن مفلس قسطنطین
قالفویلو ذمتندہ آلاجنی اثبات ویا موقتاً قبول وقید
ایتدیرمش اولان آلاجلیلرک قانوننامہ تجارتک
ایکیوز اون برنجی و آتی ولی ایدن مادہ سی موجبنجه
مفلس مرقوم طرفندن تکلیف اولنہ جق قوققوردا .
تونک مذا کرہ سیچون اشبو اغستوسک اون ایکنجی
پازار ایرتسی کونی ساعت یدی رادہ لرندہ محکمہ
تجارت بحیرہ نک افلاسہ مخصوص اوطہ سنہ کلری
اعلان اولنور .

محکمہ تجارت امرادارہ سندہ :

باغ تجارتندن ایتکیوس افندیکن کرچجی پاندہ لی
ذمتندہ ایکنجی محکمہ تجارت اعلامیلہ الہجنی اولان
اچہ نک تسویہ سیچون مدیون مرقومک عہدہ تصرفندہ
بولنان غلطہده خورما زقاغندہ علی التخمین ایکیوز
سکسان ذراع عتیق عرصہ اوزرینہ مبنی شہری یوز
قرق غروش ایجار کتورر درت اوطہ و برمطبخ
و مشتملات سائرہ نی حاوی و آلتندہ شہری یوزالی
غروش ایجارہ محتمل کرچخانہ نی وارقه طرفلرنده
بر مقدار باغچہ نی محتوی مکرر الی نومرولی بر باب
کارکیر خانہ نک سکسان سکز ذراع سکز یارمق محلتک
اوتوز الی سہم اعتباریلہ درت سہم و تمش یدی
ذراع محلتک نصف حصہ لری تاریخ اعلاندن اعتباراً
اون بش کون صکرہ موقع مزایدہ یه قونیلہ جغندن
اشراسنہ طالب اولنلرک و دہا زیادہ معلومات آلمق
ایستیانلرک محکمہ تجارت اجرا دائرہ سنہ مراجعت
ایللری دائرہ مذکورہ دن اعلان اولنور .

بک ارغلی بدایت محکمہ سی اجرا دائرہ سندہ :

فاطمہ زہرا خانمک بااعلام محکوم بہ سیواسلی
اوغلی ابراہیم افندی یه دینی اولان معلوم المقدار
مبالغک تأمین استیفاسی ضمانتہ مدیونہ مومی الہانک
درسعاتندہ عاشق پاشا محلہ سندہ قصاب باشی چشمہ سی
جادہ سندہ مکرر ۳۲ نومرولی عرصہ نک اون ایک
حصہ اعتباریلہ سکز حصہ سی حجز اولنہرق لدی
المزایدہ اوچینک غروش اتون بدل و محلہ مذکورہده

حیدر جادہ سندہ مکرر ۷۸ نومرولی دیگر بر قطعہ
عرصہ نک ینہ اعتبار مذکور ایله سکز حصہ سی بیک
غروش بدل و یاوز ارسان محلہ سندہ ایازمہ جادہ سندہ
۶۹۷ نومرولی کارکیر دکان و اوزرندہ واقع ۶۹۹
نومرولی ایک باب اوطہ نک بر خمس حصہ سی اوچینک
غروش و محلہ مذکورہده تکفور طاعی اسکله سندہ
حاجی بکر اغا زقاغندہ ۱۰ نومرولی مغازہ و فوقندہ
واقع سکز نومرولی اوطہ نک بر خمس حصہ سی اوچ
بیک غروش بدل و بوغاز ایچندہ صاری یاردہ فندق
صوبی موقعندہ اون الی اوطہ و باغچہ و اخور و بر
مائی مشتمل صرف ملک اخشاب بر باب خانہ یتش
اللی بیک غروش بدل ایله طالی عہدہ سندہ تقرر ایتش
اولغلہ تاریخ اعلاندن اعتباراً اوتوز برکون طرفندہ
یوزدہ بش ضمیله طالب اولانلرک بک اوغلی بدایت
محکمہ سی اجرا دائرہ سنہ و اوتوز برنجی کونی دخی
املاک مذکورہ پیشکاغندہ قرار دادہ سی کشیدہ
قلمق اوزرہ حاضر بولملری اعلان اولنور .

امکدار بدایت محکمہ سی اجرا دائرہ سندہ :

احمد هدایت افندی ورہ سنندن عایشہ نافعہ وامینہ
خانمک چنک قریہ سندہ ساکنہ عایشہ خانم ذمتندہ
بااعلام الہجنی بولنان مبالغک تأمین استیفاسی
ضمنندہ قبل الحاکمہ حجز اولنان بک اوغلندہ خبرہ جی
یقوشندہ (۵۴) نومرولی بر طرفی سعادتلو فائق
پاشا حضرتلرینک پارتمانی و دیگر طرفی مادام دورفانی
منزلی و طرف رابی طریق عام ایله محدود اوچ قات
سکز اوطہ وایکی صوفہ و برحولی و برمطبخ و تخمیناً
یکرمی بش ذراع قدر آردلق باغچہ و آلتندہ بر باب
سبزواتجی دکانی بولندیغی حالده مدیونہ نک متصرفہ
بولندیغی کارکیر خانہ سنک اوز بش کون صکرہ بالمزایدہ
فروختنہ مبادرت اولنہجی اعلان اولنور .

محتاجہ سناغی بدایت محکمہ سی اجرا دائرہ سندہ :

کستانہ نک قریہ سنندن مترو اوغلی رودا کینک
قریہ مذکورہ لی قوجویہ بااعلام محکوم اولدیغی
مبالغ معلومہ یه مقابل مرہون اولوب فروختی مقرر
بولنان قریہ مذکورہده کائن بر باب یل دکرمانی
تاریخ اعلاندن اعتباراً اون بش کون صکرہ مزایدہ
وضع اولنہ جغندن طالب اولانلرک چتالجه بدایت
محکمہ سی اجرا دائرہ سنہ مراجعت ایللری لازمی اعلان
اولنور .

طبعم عثمانیہ